

籌辦夷務始末

第一函
正十九册

籌辦夷務始末卷之三十七

咸豐九年己未四月壬寅

欽差大臣科爾沁親王僧格林沁直隸總督恆福奏查甯河縣境內之北塘營額兵本祇五百餘名節次調赴南省征剿僅贍三百餘名殊形單弱北塘大沽兩海口相距祇三十餘里備防同一緊要該處除舊有礮臺外努僧格林沁前經奏明添築礮臺不日即可工竣亦應撥兵守護努等公同商議擬將停赴大名之提標兵五百名調至北塘派委得力之員管帶分守礮臺歸於察哈爾都統西凌阿統帶至停調之督標兵五百名撤回歸伍後仍由努恆福嚴飭中

軍副將逐日操練聽候備調

硃批均照所議辦理

欽差大臣兩江總督何桂清江蘇巡撫徐有壬奏探聞啖咭喇公使噶嚕斯約計四月初間可以抵粵有先到上海之意屆時臣何桂清應與大學士桂良等前往會議臬司薛煥熟悉情形係上年與議之人自應仍資熟手藩司王有齡雖素未經理此事上年經桂良等札調赴滬現在亦應飭令同往查薛煥於上年十二月間交卸蘇松太道篆務隨同專辦稅則自桂良等到省即將交代事件料理明白亦已回蘇應即飭赴臬司本任以專責成將來與王有齡同赴

上海係現任兩司大員。體制較崇。呼應亦靈。實與稅則事宜有裨。

硃批知道了。

乙巳。

欽差大臣科爾沁親王僧格林沁。察哈爾都統西凌阿。直隸總督恆福奏。僱夷船駛至。即當恪遵。

聖諭。派委幹員往詢。令其等候上海來信。設使夷船蜂擁駛入。只可相機辦理。不敢輕舉妄動。該夷如必須進京。互換和約。

前經督僧格林沁奏奉

諭旨。令其由北塘登岸。由陸路至津。再由水路赴通進京。惟北塘

距攔江沙甚近。海口亦寬。潮旺之時。夷船易於駛入。現在該處安礮屯兵。夷酋進京之後。其在船夷眾。無人約束。竊恐未必安靜。儻或上岸閒遊。甚或滋擾營盤。不可不防其漸。彼時如任其妄為。則有關

國體。而彈壓阻擋。又恐另啟釁端。奴才僧格林沁。奴才西凌阿先

已悉心商酌。擬在北塘蘆臺適中之營城地方。兩岸另建立營壘。趕緊修築礮臺。一俟工竣。即將北塘安設礮位。移往。並將現紮北塘之兵。移紮該處。嚴密防守。以備不虞。其北塘礮臺營壘內。即可安設埋伏。奴才恆福。於三十日。由北塘前赴營城。與奴才西凌阿會同察看地勢。頗極扼要。防守

甚為得力。所需修工經費。^努僧格林沁前經劄調東路同知。于朝儀前往北塘蘆臺。剴切勸諭。茲據該丞稟懇商民。尚為踴躍。情願豫先交出釐捐銀一萬兩。以佐鉅工等情。^努等擬遵派委員。即日興修。所需銀兩。即由此項捐款內。先行動用。即責成該丞收發照料。

硃批。即照所擬辦理。

丙午。軍機處為咨行事。上年貴國遣使來津。欲換天津原立和約。我國

大皇帝派尚書肅順。瑞常。會同貴國使臣丕業羅幅斯奇。現在既經該大臣等議定互換。我兩國即應遵守。永敦和好。為此

咨行。

庚戌。

欽差大臣兩江總督何桂清奏。據護理蘇松太道吳煦稟探得。噶
咭喇公使噶嚕嘶。於三月二十四日。已抵香港。恐日內來
至上海。桂良等。於初一初二等日。分起赴滬。噶臣亦即前
往。臣自應欽遵前奉

諭旨。與桂良等同往上海。會同商辦。

硃批。知道了。

壬子。庫倫辦事大臣德勒克多爾濟等奏。現由俄囉斯送
到咨文。聲稱。丕業羅幅斯奇之父病故。改派伊克那提業

幅進京更換。並有公文一件。遣使進京面交等語。當即面詢該瑪雨爾。既欲復行遣使進京。有何要件。據瑪雨爾述稱。此件公文。係到京後面交之件。且有口傳之事。復有送交大學士文一件等語。應照新章沿途護送外。至文內並稱。木哩斐岳幅率兵由黑龍江。赴朝鮮東界雅阜尼國。便中將礮位運赴京城。換回丕業羅幅斯奇。其火槍一萬桿。應由何處運送。並聞喫啼二夷。亦欲進京。此項槍礮足資捍衛。當即曉諭該瑪雨爾。外國遣使。均應請示大部。部覆未到以前。自應駐候。即將斤駁咨文。交瑪雨爾帶回。伏思俄囉斯遣使進京。若只用庫倫斤駁。難保不另生枝節。可

否由理藩院行文薩納特衙門庫倫亦一體咨駁抑或更當如何處置。

德勒克多爾濟等又奏前因俄使回國護送官員沿途苦累業經行文知照該國在案茲據俄囉斯文稱已將該夷使申飭矣惟查俄夷性情詭詐嗣後該國如有緊要事件遣人進京自應先期聲明該夷使不得晝夜過行務須日行三四站所有情節可否由理藩院咨行薩納特衙門庶可免其任性妄為。

諭軍機大臣等昨據德勒克多爾濟等奏俄囉斯改派使臣進京一摺覽奏均悉上年大學士桂良等在津與俄使普提雅廷議

定和約十二條。復派尚書肅順。瑞常會同該夷使。當面妥辦。互相交換矣。惟和約內載有由天津海口行走一語。俄國所送槍礮。如由天津海口前來。自應令其行走。務在海口攔江沙外停泊。由內地備辦沙船。接收運送進京。其俄使丕業羅幅斯奇。因事回國。欲派伊克那提業幅來京一節。現既互換和約。自難阻止。至所請由理藩院行文薩納特衙門之處。不過徒延時日。轉不如該大臣行文之為便也。該大臣即將由天津海口行走。及由恰克圖進京驛站章程。均著酌量咨行。毋庸由理藩院行文。其原定和約十二條。鈔給德勒克多爾濟等閱看。此內如有應辦事件。該大臣即著照辦。餘照所奏。

又

諭前有旨。令德勒克多爾濟。俟俄羅斯國呈遞烏槍一萬桿。礮位五十尊。運至庫倫時。奏聞辦理。茲據德勒克多爾濟奏。該夷堅欲由海船行走等語。現在和約已換。業經准其由海口進京。此項槍礮。將來送至海口。著僧格林沁。恒福。遵派明幹員弁。前往曉諭。令該夷船停泊。攔江沙外。毋須前進。另換內地船隻。裝載運送到津。於明示體恤之中。仍暗寓隄防之意。諒該大臣等。必能慎重妥辦也。

丙辰。直隸總督恒福奏。刻下糧臺軍餉。僅餘數萬。一經動支。便無存款。設遇海防緊急。何以支持。雖江蘇有協濟銀

二十萬兩。尚未據報起解日期。以自蘇至津道路計之。約須四十餘日。方能解到。實有緩不濟急之勢。因思山西有現存之項。如能迅速撥解。程途較近。計日可到。庶用項不致貽誤。臣與司道等斟酌再三。擬於前請山陝餉銀二十萬之數。減半先行請撥。合無仰懇

天恩。俯念海防需餉緊要。飭下山西撫臣英桂。迅於司庫分撥銀十萬兩。委員趕即解津。以應急需。而重防務。

諭軍機大臣等。據恆福奏。防務緊要。江蘇協濟之款。尚未據報起解日期。實有緩不濟急之勢。請仍於山西籌撥餉銀。以濟要需等語。現在天津海防需用孔亟。該督所奏。自係實在情形。著英

桂即於藩庫撥銀十萬兩。派委要員。迅速解津。是為至要。
恆福又奏。天津現辦海防。其北塘營城等處。均為通永鎮
標所屬。彈壓巡防。皆關緊要。所有通州協副將一缺。上年
十月。經前督臣慶祺奏准。以現在江北軍營之大沽協副
將魁霖調補。臣到任後。查海口防所將領無多。不敷調遣。
該副將帶隊勇往。諳練操防。素為臣所深悉。現在江北各
軍統歸

欽差大臣和春節制。其營中戰將。不乏人才。即少此一員。亦不至
不敷攻剿。現在海防喫緊。以本省實缺將領。辦理本省防
務。於整頓戎行。不無裨益。相應請

旨飭下和春轉飭調補通州協副將魁霖迅速來津聽候差委以資得力。

諭軍機大臣等。恆福奏請調副將來津差委等語。天津現辦海防差委需人。調補通州協副將魁霖現在江北軍營。著和春即飭該員迅速前赴天津聽候。恆福調遣毋稍遲誤。

恆福又奏竊查歷屆軍營糧臺辦理支銷均應先期奏明事竣造報。茲據辦理天津糧臺天津道孫治候補道春保會詳稱天津海口籌辦防堵奉

欽差大臣親王僧格林沁派委各員修築礮臺營壘製造鐵鍊鐵錨炸礮水雷火船水龍以及添製礮位採買木植礮造火

樂等項。應需銀兩。卽經遵札在於軍需項下。照數發給承辦之員。領回支用。報由大營驗收。糧臺無從稽覈。應請歸於承辦各員自行造冊報銷等情。臣查此次籌辦海防。承修一切工程。製造各項軍械。有係委員領銀承辦。報明大營驗收者。該道等所稱。糧臺無從稽覈。固係實在情形。惟糧臺為軍需總匯。當此經費支絀之時。尤應力求覈實。所有撥發過工程軍械銀兩。應由糧臺先將承辦銜名。領銀數目。分晰繕具清單報部。一面飭知承辦之員。安速辦理。俟事竣撤防。據實造冊報銷。仍歸糧臺彙總覈轉。如有經部駁飭冊造與例不符者。惟承辦各員是問。庶足以昭覈

實而清款目。其由糧臺承辦之軍火器械帳房。以及支放官兵口糧馬乾等項。仍由該道造報。以專責成。

硃批。依議。覈實辦理。

欽差大臣科爾沁親王僧格林沁直隸總督恆福奏。四月十三日。接奉四月十二日恭奉

上諭。前有旨。令德勒克多爾濟。俟俄囉斯國呈進烏槍一萬桿。礮位五十尊。運至庫倫時。奏聞辦理等因。欽此。遵查前奉寄

諭。嘆夷派出火輪船八隻。為護送噶酋赴津之用等因。奴才等伏思

嘆夷既為換約而來。何須如許兵船。已屬堪疑。今俄夷進呈軍械。復堅欲海運來津。尤覺可慮。難保無夷人暗有密

約先後俱到。使我難於辨認。另蓄說謀情事。努等惟有懷
道

聖訓。隨時相機慎重妥辦。斷不敢稍涉大意。至運送軍器船隻抵
津。應交何處收存。該國必有護送之夷。應否令其進京。努
等不敢專擅。懷蒙

准其進京。擬請由北塘進口。伏乞

訓示遵行。再續調吉林黑龍江官兵。努僧格林沁已接到頭起進

關文報。並請

飭下武備院。將前經奏准製造馬槍弓箭撒袋趕緊造齊。隨時解
赴海口。以資應用。